

SCRIPTA

Numéro Scripta : 2485

Auteur(s) : Guillaume de Quiboc [particulier]

Bénéficiaire(s) : Coutances (hôpital-Dieu)

Genre d'acte : charte

Authenticité : non suspect

Datation : 1265, octobre

Action juridique : confirmation

Langue du texte : latin

Analyse

Donation par Guillaume de Quiboc à l'Hôtel-Dieu de Coutances d'une rente annuelle de 6 boisseaux de froment, un pain, deux gelines à Nicorps.

Tableau de la tradition

Éditions principales

a. Le Cacheux Paul, *Essai historique sur l'Hôtel-Dieu de Coutances*, l'hôpital-général et les Augustines hospitalières depuis l'origine jusqu'à la Révolution avec cartulaire général, Paris, Picard, 1895-1899, 2 vol., t. 2, n° LXXXV, p. 71-72.

Texte établi d'après a

Notum sit omnibus presentibus et futuris, quod ego Guillelmus de Quibouc, de parrochia Sancti Petri Constanciensis, dedi et concessi, pro salute anime mee et antecessorum meorum, in puram et perpetuam elemosinam, et omnino in perpetuum dimisi priori et fratribus Domus Dei Constanciensis et pauperibus ibidem jacentibus, scilicet sex bussellos frumenti, ad mensuram de Constanciis, annui redditus, ad festum Sancti Michaelis, et unum panem de denario et duas gallinas ad Natale, quem redditum michi debebant et reddebant annuatim ad dictos terminos, scilicet Johannes Larchonnoor duos bussellos et dictum panem et unam gallinam, pro tota medietate integre tocius loci cujusdam terre, in masura et extra, quam quondam vendiderat Gaufridus de Valle Jordano Baout, de eschaeta que eidem Gaufrido exciderat a morte Guillelmi de Valle quondam fratris sui, in parrochia de Nicorps, que medietas continet duas virgatas vel circiter ; et heredes Godefridi de Valle quatuor bussellos et unam gallinam, de toto tenemento quod ipsi tenebant quondam feodaliter de Gaufrido de Valle, filio quondam Rogeri de Valle, in eadem parrochia de Nicorps, continente in masura et extra tres virgatas terre vel circiter, de hereditagio quod eidem Gaufrido exciderat a morte patris sui et matris sue ; Percipiendum et habendum de cetero in perpetuum predictis priori et fratribus ac pauperibus suisque successoribus, per manum dictorum Johannis et heredum suorum et dictorum heredum dicti Gaudefridi et eorum heredum, libere, pacifice et quiete cum homagio dictorum heredum dicti Gaudefridi predicti, sine contradictione et reclamatione aliqua mei et heredum meorum. Et ego et heredes mei tenemur, eisdem priori et fratribus ac pauperibus suisque successoribus, hec garantizare et deliberare contra omnes bona fide, salvo jure capitalium dominorum. Et ut hoc firmum et stabile permaneat in futurum, presentem cartam sigilli mei munimine roboravi. Actum est hoc anno gratie millesimo ducesimo sexagesimo quinto, mense octobri.